

文淵閣

四庫全書

影印

文淵閣四庫全書

第一〇四五冊

北京出版集團公司
北京出版社

本冊目次

太平廣記(三)

宋李昉等奉敕撰：一

欽定四庫全書

子部
太平廣記卷二百六十三

詳校官中書_臣潘有為

侍讀_臣孫球覆勘

總校官進士_臣楊懋珩

校對官修撰_臣吳錫齡

謄錄監生_臣王爾熙

謄錄監生_臣陳觀龍

欽定四庫全書

太平廣記卷二百六十三

無賴一

劉誠之

宗玄成

孟神爽

飛騎席人

韓令珪

李宏

長孫昕

張易之兄弟

劉懷恩

宋之慈

張幹等

彭先覺

張德

士子吞舍利

劉子振

欽定四庫全書

太平廣記
卷二百六十三

荊州鬻劉者

劉誠之

唐天授年彭城劉誠之粗險不調高言庠語凌上忽下
恐嚇財物口無關鑰妄說妖災從萬年縣尉常彥璋索
錢一百千云我是劉果毅當與富貴彥璋進狀告之工
令二給使先入彥璋房中下簾坐牕下聽之有頃誠之
及盧千仞至於廳上坐談話彥璋引之說國家長短無
所忌諱給使一一紙筆抄之以進上怒令金吾捕捉親

問之具承遂腰斬誠之千仞處絞授彥璋侍御史

出朝野

宗玄成

唐老三衛宗玄成邢州南和人祖齊黃門侍郎玄成性粗猛稟氣尤豪凌轢鄉村橫行州縣紀王為邢州刺史玄成與之抗行李備為南和令聞之每降階引接分庭抗禮務在招延養成其惡屬河朔失稔開倉賑給玄成依勢作威鄉墅強乞粟一石備與客對不命玄成乃門

欽定四庫全書

太平廣記卷三百六十三

二

外揚聲奮背直入備集門內典正一百餘人舉牒推窮強乞是實初令項上著鑠後却鑠上著柳文案既周且決六十杖下氣絕無敢言者

出朝野

孟神爽

孟神爽揚州人稟性狼戾執心鴆毒巡市索物應聲即來入邸須錢隨口而至長史縣令高揖待之丞尉判司領之而已張潛為揚州刺史聞其暴亂遣江都縣令店上捉來拖入府門高聲唱速付法曹李廣業推鞠案事

並虛淮敕決百杖下卒

出朝野

飛騎席人

則天之廢廬陵也飛騎十餘人於客戶坊同飲有一人曰早知今日無功賞不如扶豎廬陵席上一人起出北門進狀告之席未散並擒送羽林鞠問皆實告者授五品言者斬自餘知反不告坐絞

出朝野

韓令珪

周令史韓令珪耐羞耻厚貌強梁王公貴人皆呼次第

欽定四庫全書

太平廣記卷三百六十三

三

平生未面亦強干之曾選於陸元方下引銓時舍人王勣奪情與陸同廳而坐珪佯驚曰未見王五勣便降階憫然令珪頻眉感刺相慰而去陸與王有舊對面留住問勣是誰莫之識也後嚇人事敗於朝堂決杖遙呼河內王曰大哥何不相救懿宗目之曰我不識汝催杖苦鞭杖下取死

出朝野

李宏

唐李宏汴州浚儀人也兇悖無賴狼戾不仁每高鞍壯

馬巡坊歷店嚇庸調租船綱典動盈數百貫強貸商人
巨萬竟無一還商旅驚波行網側胆任正理為汴州刺
史上十餘日遣手力捉來責情決六十杖下而死工商
客生酣飲相歡遠近聞之莫不稱快

出朝野
僉載

長孫昕

唐長孫昕皇后之妹夫與妻表兄楊仙玉乘馬二十餘
騎並列瓜撾於街中行御史大夫李傑在坊內參姨母
僮僕在門外昕與仙郎使奴打傑左右傑出來併波按

欽定四庫全書

太平廣記
卷二百六十三

四

頓須臾金吾及萬元縣官並到送縣禁之昕妻父王開
府將二百萬騎劫昕等去傑與金吾萬年以狀聞上奉
敕斷昕殺積杖至數百而卒

出朝野
僉載

張易之兄弟

張易之兄弟驕貴強奪莊宅奴婢姬妾不可勝數昌儀
於萬年縣街內行逢一女人壻抱兒相逐昌儀馬鞭撥
其頭巾女婦罵之昌儀顧謂奴曰橫馱將來壻投匭三
四狀並不出昌儀捉送萬年縣誣以他罪決死之昌儀

常謂人曰丈夫當如此今時千人推我不能倒及其敗
也萬人擎我不能起俄而事敗兄弟俱斬

出朝野
僉載

權懷恩

唐邢州刺史權懷恩無賴除洛州長史州差參軍劉大
子迎至懷州路次拜懷恩突過不與語步趁二百餘步
亦不遣乘馬犬子覺不似乃自上馬馳之至州令脫靴
訖謂曰洛州幾箇參軍對曰正員六人員外一人懷恩
曰何得有員外對曰餘一員遣為長史脫靴懷恩驚曰

欽定四庫全書

太平廣記
卷二百六十三

五

君誰家兒對曰阿父為僕射懷恩慙然而去僕射劉仁
軌謂曰公草裏刺史至神州不可以造次參軍雖卑微
豈可令脫靴耶懷恩慙請假不復出旬日為益州刺史

出朝野
僉載

宋之遜

唐洛陽丞宋之遜太常主簿之問弟羅織殺駙馬王同
皎初之遜諂附張易之兄弟出為兗州司倉遂亡而歸王
同皎匿之於小房同皎慷慨之士也忿逆韋與武三思

亂國與一二所見言之每至切齒之慙於簾下竊聽之
遣姪曇上書告之以希韋之旨武三思等果大怒奏誅
同皎之黨兄弟並授五品官之慙為光祿丞之問為鴻
臚丞曇為尚衣奉御天下怨之皆相謂曰之問等緋衫
王同皎血染也誅逆韋之後之慙等長流嶺南客謂浮
休子曰來俊臣之徒如何對曰昔有獅子王於深山獲
一豺將食之豺曰請為王送二鹿以自贖獅子王喜周
年之後無可送王曰汝殺衆生亦已多今次到汝汝其

欽定四庫全書

太平廣記
卷二百六十三

六

圖之豺默然無應遂斷殺之俊臣之輩何異豺也

出朝野僉

載

張幹等

上都市肆惡少率髡而膚割備衆物形狀恃諸軍張拳
強劫至有以蛇售酒捉羊甲擊人者京兆尹薛元賞上
三日令里長潛捕約三十餘人悉杖棄屍於市市人有
黥青者皆炙滅之時大寧坊力者張幹劉左膊曰生不
怕京兆尹右膊曰死不畏閻羅王又有王力奴以錢五

千名劊工于胸腹為山亭院池樹草木鳥獸無不悉具
細若設色公悉杖殺之又賊趙武建劊一百六處番印
盤鵲等右膊刺言野雞灘頭宿朝朝被鵲捎忽驚飛入
水留命到今朝又高陵縣捉得鏤身者宋元素劊七十
一處刺左臂曰昔日已前家未貧千金不惜結交親及
至栖惶覓知己行盡關山無一人右膊上劊瓠蘆上劊
出人首如傀儡戲有郭公者縣吏不解問之言胡蘆精
也

出西陽雜俎

欽定四庫全書

太平廣記
卷二百六十三

七

彭先覺

周御史彭先覺無面目如意年中斷屠極急先覺知巡
事定鼎門草車翻得兩羴羊門卒告御史先覺進狀奏
請合官尉劉緬專當屠不覺察決一頓杖肉付南衙官
人食緬惶恐縫新禪待罪明日則天批曰御史彭先覺
奏決劉緬不須其肉乞緬喫却舉朝稱快先覺於是乎

出朝野僉載

張德

周長壽中斷屠極切左拾遺張德妻誕一男私宰一口
羊宴客其日命諸遺補杜肅私囊一饌肉進狀告之至
明日在朝前則天謂張德曰卿妻誕一男大歡喜德拜
謝則天又謂曰然何處得肉德叩頭稱死罪則天曰朕
斷屠吉凶不預卿命客亦須擇交無賴之人不須共聚
集出肅狀以示之肅流汗浹背舉朝唾其面

開

士子吞舍利

唐洛中項年有僧以數粒所謂舍利者貯於瑠璃器中

欽定四庫全書

太平廣記
卷二百六十三

八

晝夜香火檀越之禮日無虛焉有士子迫於寒餒因請
僧願得舍利掌而觀之僧遂出瓶授與遽即吞之僧惶
駭如狂復慮聞之於外士子曰與吾幾錢當服藥出之
僧喜聞遂贈二百緡乃服已豆下瀉僧洗濯而收之

出尚

書故
事

劉子振

劉子振蒲人頗富厚業而不知大體尤好凌轢同道詆
訐公卿不耻干索州縣稍不如意立致寒暑以至就試

明庭稠人廣衆罕有與立談者劉允章知舉歲患舉子
納卷繁多榜云納卷不得過三卷子振納四十軸因之
大擻凶譽

荊州鬻劄者

荊州貞元中市中有鬻劄者有印上簇針為衆物狀如
蟾蜍鳥獸隨人所欲一印之刷以石墨瘡愈後細於隨

永印

出西陽
雜俎

欽定四庫全書

太平廣記
卷二百六十三

九

太平廣記卷二百六十三

欽定四庫全書

太平廣記卷二百六十四

無賴二

南荒人娶婦 趙高

韋少卿

葛清

三王子

樂從訓

張從晦

李仁矩

李罕之

韓仲

李令

孟弘微

僧鸞

路德延

蕭希甫

欽定四庫全書

太平廣記
卷二百六十四

南荒人娶婦

南荒之人娶婦或有喜他室之女者率少年持刀挺往趨虛路以偵之候其過即擒縛擁歸為妻間一二月復與妻偕首罪於妻之父兄常俗謂縛婦女婿非有父母喪不復歸其家

出投荒
雜錄

趙高

李夷簡元和末在蜀蜀市人趙高好鬪嘗入獄滿背鏤

毗沙門天王吏欲杖背見之輒止恃此為坊市害左右言

於李李大怒擒就廳前索新造筋棒題徑三寸叱杖家

打天王盡則已數三十餘不死經旬日但袒而歷門乞

修理破功德錢

出酉陽
雜俎

韋少卿

蜀小將韋少卿韋表微堂兄也少不喜書嗜好劊青其

叔父嘗令解衣視之胸上劊一樹樹杪烏集數十其下

懸鏡其鼻繫有人止於側牽之叔不解問焉少卿笑曰

叔曾讀張燕公詩否挽鏡寒鴉集也

出酉陽
雜俎

欽定四庫全書

太平廣記
卷二百六十四

葛清

荊州街子葛清自頸已下遍劊白居易詩段成式嘗

與荊客陳至呼觀之令其自解背上亦能闌記反手指

其劊處至不是花中偏愛菊則有一人持盃臨菊叢黃

夾纈窠寒有葉則指一樹樹上掛纈纈窠勝絕細凡劊

三十餘首體無完膚陳至呼為白舍人行詩圖也

出酉
陽雜

組

三王子

楊虞卿為京兆尹時市里有三王子力能揭巨石遍身圖劓體無完膚前後合抵死數四皆匿軍以免會有過楊令所由數人捕獲閉關杖殺之判云刺劓四肢口稱王子何須訊問便合當辜

出酉陽雜俎

樂從訓

王鐸落都統除滑州節度尋罷鎮以河北安靜於楊全玫有舊遊地浮陽與其幕客從行皆朝中士子及過魏樂彥禎禮之甚至鐸之行李甚侈從容侍姬有輦下昇

欽定四庫全書

太平廣記卷二百六十四

三

平之故態彥禎有子曰從訓素無賴愛其車馬姬妾以問其父之幕客李山甫以咸通中數舉不第尤私憤於中朝貴達因勸從訓圖之伺鐸至甘陵以輕騎數百盡掠其橐裝姬僕而還賓客皆遇害及奏朝廷云得貝州報某日殺却一人姓王名令公其兇誕也如此彥禎父子尋為亂軍所殺

出北夢瑣言

張從晦

梁祖圖伯之初壽州刺史江彥溫以郡歸我乃遣親吏

張從晦勞其勤而從晦無賴酣酒有飲徒何藏耀者與之偕甚昵狎從晦致命於郡彥溫大張樂晦不至乃與藏耀食於主將家彥溫果疑恐曰汴王謀我矣不然何使者之如是也乃殺其主將連誅數十人而以狀白其事既而又疑懼曰汴其腹心亡我族矣自縊而死梁祖大怒按其事腰斬從晦留何藏耀裂其禁械斬於壽春市

出北夢瑣言

李仁矩

欽定四庫全書

太平廣記卷二百六十四

四

後唐明宗皇帝時董璋授東川將有跋扈之心於時遣客省使李仁矩出使梓潼仁矩比節使下小校驟居內職性好狎邪元戎張筵以疾辭不至乃與營妓曲宴璋聞甚怒索馬詣館遽欲害之仁矩躡足端簡迎門璋怒稍解他日作叛兩川舉兵並由仁矩獻謀於安重誨之所致也

出北夢瑣言

李罕之

李罕之河陽人也少為桑門無賴所至不容曾乞食於

滑州酸棗縣自旦及晡無與之者擲鉢於地毀僧衣投河陽諸葛爽為卒罕之即僧號便以為名素多力或與人相毆毆其左頰右頰血流爽尋署為小校每遣討賊無不擒之蒲絳之北有摩雲山設堡於上號摩雲寨前後不能攻取時罕之下焉由此號李摩雲歷郡侯河南尹節將官至侍中卒於汴州亦荆南成汭之流也自唐

仕梁

出北夢瑣言

韓仲

欽定四庫全書

太平廣記卷二百六十四

五

有韓仲者渠州人也善飲博長於灼龜遊謁王侯之門常懷一龜殼隔宿先灼一龜來日之兆吉即博不吉即已又或云某方位去吉即往之諸方縱人牽之不去即取人錢貨如徵赤債或經年忘其家而不歸多於花柳之間落魄其妻怒甚時復自來耻頓驅起而同歸如是往往有之又嘗遊謁於東川經年不歸忽一日聚其博徒挈飲妓而致幽會夜坐洽樂之際其妻又自家領女僕一兩人潛至匿鄰舍家俟其夜會筵合遂持棒伺於

暗處伸不知遂塌聲唱池水清聲不絕腦後一棒打落幞頭撲滅燈燭伸即竄於飯床之下有同坐客暗中遭鞭撻一頓不勝其苦最後遣二青衣把髻子牽行一步一棒決之罵曰這老漢何落魄不歸也無何牽至燭下照之乃是同坐客其良人尚蓬頭潛於飯床之下蜀人大以為歡笑時輩呼韓為池水清

出王氏見聞

李令

欽定四庫全書

太平廣記卷二百六十四

六

渚宮有李令者自宰延安本狡猾之徒也強為篇章而干謁時有歸評事任江陵驤院常懷卹士之心李令既識歸君累求救貸而悉皆允諾又曰某尋親湖外輒假舍而安家族歸君亦慇懃之李且乘舟而去不二旬其妻遣僕使告丐糶糧歸亦極其乏絕李忽寄書於驤院情況疑密是異尋常書中有贈家室等詩一首意欲組織歸君歸君悔恨而不能自明與武陵渠江之務以糊其口焉舉士沈擢每述於同院衆賓用茲戒慎也李令寄其妻詩曰有人教我向衡陽一度思歸一斷腸為報

艷妻兼少女與吾覓取朗州場

出雲籍友議

孟弘微

唐孟弘微郎中誕妄不拘宣宗朝因次對曰陛下何以不知有臣不以文字名用上怒曰卿何人斯朕耳冷不知有卿翌日上謂宰臣曰此人躁妄欲求翰林學士大容易哉於是宰臣歸中書貶其官示小懲也又嘗忿憎擠其弟落井外議喧然乃致書告親友曰懸身井半風言沸騰尺水文波古今常事與鄭諷鄰居諷為南海從

欽定四庫全書

太平廣記卷二百六十四

七

僧鸞

僧鸞有逸才而無拘檢早歲稱鄉衞謁薛能於嘉州能以其顛率難為舉子乃俱出家自於百尺六像前披剃不肯師於常僧也後入京為文章供奉賜紫柳玭甚愛其才租庸張濬亦曾加敬盛言其可大用由是反初號

鮮于鳳修刺謁柳柳鄙之不接又謁張張亦拒之於是

失望而為李鋌江西判官後為西班牙小將軍竟於黃州

遇害

出北夢瑣言

路德延

河中判官路德延相國巖之姪嶽之子時謂才俊擢進士第西平王朱友謙幕寮放恣凌傲王公容之友謙背梁乞於晉陽并使初至禮遇方謹路公筵上言語及之友謙憂憤因投德延於黃河以紓禍也先是紀綱之僕近判官入謁幕次遂有請易舍之說蓋義兄弟同處不欲聞郎君穢談也路子得非其人耶

出北夢瑣言

蕭希甫

蕭希甫進士及第有文才口辨多機數梁時不得意棄母妻渡河易姓名為皇甫校書莊宗即位於魏州徵希甫知制誥莊宗平汴洛希甫奉詔宣慰青齊方知其母死妻嫁乃持服於魏州時議者戲引李陵書云老母終堂生妻去室後為諫議大夫性褊忿躁於進取疏宰相

欽定四庫全書

太平廣記卷二百六十四

八

豆盧革韋說至於貶斥又以毀訾宰相責授嵐州司馬

馬出北夢瑣言

欽定四庫全書

太平廣記
卷二百六十四

九

太平廣記卷二百六十四

欽定四庫全書

太平廣記卷二百六十五

輕薄一

劉祥

劉孝綽

汲師

許敬宗

盈川令

崔湜

杜審言

杜甫

陳通方

李賀

崔駢

李羣玉

馮涓

溫庭筠

西川人

欽定四庫全書

太平廣記
卷二百六十五

河中幕客

陳磻叟

崔照符

溫定

薛能

高逢休

劉祥

東莞劉祥恃才傲物常謂一驢曰汝努力如汝輩已為

令僕矣復作連珠譏諷朝廷尋被誅出談藪

劉孝綽

梁劉孝綽輕薄到洽洽本灌園者洽謂孝綽曰某宅東家有地擬買被本主不肯何計得之孝綽曰卿何不

多輦其糞置其塋下以苦之治死恨孝緯竟被傷害出家錄話

汲師

汲師滑州人也自漂水尉拜監察御史時大夫李乾祐為萬年令師按縣獄乾祐差池而出晚師怒不顧而出銜之乾祐尋巡察韋務靜與師鄉里充乾祐判官會制書拜乾祐中丞乾祐顧謂務靜曰邑子可出矣足下可入矣遂左授新樂令性躁率時直長李冲寂即高宗從

欽定四庫全書

太平廣記
卷二百六十五

二

弟也微有犯師將彈而謂之呼冲寂為弟冲寂謂之曰冲寂主上從弟公姓汲於皇家何親而見呼為弟師慙而止嘗監享太廟責署官將彈之署官徹曉伺其失汲履赤舄如廁共許之乃止出御史臺記

許敬宗

已見二百四十九卷本傳

唐許敬宗性輕見人多忘之或謂其不聰曰卿自難識若是曹劉沈謝暗中摸索著亦可識出國史纂異

盈川令

唐衢州盈川縣令楊炯詞學優長恃才簡倨不容於時每見朝官目為麒麟楨許怨反人問其故楊曰今鋪樂假

弄麒麟者刻畫頭角修飭皮毛覆之驢上巡場而走及脫皮褐還是驢馬無德而衣朱紫者與驢覆麟皮何別

矣出朝野僉載

崔湜

崔湜之為中書令張嘉貞為舍人湜輕之常呼為張底後曾量數事意皆出人右湜驚美久之謂同列曰知否

欽定四庫全書

太平廣記
卷二百六十五

三

張底乃我輩一般人此終是其坐處湜死後十餘年河東竟為中書令出國史纂異

杜審言

杜審言初舉進士恃才褻傲甚為時輩所妬蘇味道為天官侍郎審言參選試判後謂人曰蘇味道必死人問其故審言曰見吾判即當羞死矣又問人曰吾之文章合得屈宋作衙官書跡合得王羲之北面其矜誕如此貶吉州司戶司馬周季重員外司戶郭若訥共構審言

罪狀繫獄將因事殺之既而季重等酣宴審言子并年十三懷刀以擊季重重中創而死并亦為左右所殺

出

賓錄

杜甫

杜工部甫在蜀醉後登嚴武之牀厲聲問武曰公是嚴挺之兒否武色變甫復曰僕乃杜審言孫子武少解矣

出撫言

陳通方

欽定四庫全書

太平廣記卷二百六十五

四

陳通方閩縣人真元十年顧少連下進士及第時屬公道大開採掇孤俊通方年二十五第四人及第以其年少名高輕薄自負與王播同年王時年五十六通方薄其成事後時因期集戲拊其背曰王老王老奉贈一第言其日暮途遠及第同贈官也王曰擬應三篇通方又曰王老一之謂甚其可再乎王心每貯之通方尋值家艱還歸王果累捷高科官漸達矣通方後履人事入闕王已丞郎判鹽鐵通方窮悴寡坐不知王素銜其言投

之求救同年李虛中時為副使通方亦有詩扣之求為

汲引云應念路傍憔悴翼昔年喬木幸同遷王不得已

署之江西院官赴職未及其所又改為浙東院僅至半

程又改與南陵院如是往復數四困踰日甚退省其咎

謂甥姪曰吾偶戲謔不知王生遽為深憾人之於言豈

合容易哉尋值王真拜禮分懸絕追謝無地悵望病終

出閩川多士傳

李賀

欽定四庫全書

太平廣記卷二百六十五

五

元和中進士李賀善為歌篇韓愈深所知重於縉紳間每為延譽由此聲華藉甚時元稹年少以明經擢第一攻篇什常交結於賀一日執贄造門賀覽刺不容遽入僕者謂曰明經及第何事來看李賀積無復致情慙憤而退其後自左拾遺制策登科日當要路及為禮部郎中因議賀祖諱晉不合應舉賀亦以輕薄為時輩所排遂致輒軻韓愈惜其才為著諱辨錄明之然竟不成名

出缺錄

崔駢

李德裕退朝歸第多與親表裴璟無間破體笑語李多詢以內外新事李問更有何說裴曰別無新事但昨日坡下郎官集送某郎官出牧江湖飲餞郵亭人客甚衆有倉部白員外末至崔駢郎中作錄事下四籌白自以卑秩人乘凌兢更不敢固辭上次酌四大器白連引三器訖餘一持之而請第四器名崔郎中云亦別無事但何必要到處出脫時白踉蹌仆於下座竟不飲而去坐

欽定四庫全書

太平廣記
卷二百六十五

六

上有笑者有縮頸者但不知此官人今日起得否李聞之大怒曰何由可耐不斯言必有之乎曰固然又問弟知白員外所止否璟曰是人在某坊某曲李曰為某傳語白員外請至宅白捧命又憂恐比至李曰久欲從容中外事併然旬朔不要出人事既而白授翰林學士崔駢汾州刺史續改洛州刺史流落外任不復更遊郎署終鴻臚卿

出芝田錄

李羣玉

李羣玉字文山性輕率多侮戲人常假江陵幕客書求丐於澧州刺史艾乙李謂艾曰小生病且甚矣幸使君痛救之李以戲其姓之僻也羣玉以其輕脫而濟之不

厚矣

出北夢瑣言

馮涓

大中四年進士馮涓登第榜中文譽最高是歲新羅國起高樓厚齋金帛奏請撰記時人榮之初除京兆府參軍恩地即杜相審權也杜有江西之拜制書未行先名

欽定四庫全書

太平廣記
卷二百六十五

七

涓密語延辟之命欲以賤奏任之戒令勿泄涓拜謝辭出速鞭而歸遇友人鄭實見其喜形於色駐馬懇謁涓遽以恩地之辟告之實尋捧刺詣京兆門謁賀具言得於馮先輩也京兆嗟憤而鄙其淺薄洎制下開幕馮不預焉心緒憂疑莫知所以連車發日自灞橋乘肩輿門生咸在長樂候別京兆長揖馮曰勉旃由是囂浮之譽徧於縉紳竟不通顯問又涉交通中貴愈招清議官至祠部郎中眉州刺史仕蜀至御史大夫

出北夢瑣言

溫庭筠

開明中溫庭筠才名藉甚然而罕拘細行以文為貨識者鄙之無何執政間復有誣奏庭筠攪擾場屋出隨州方城縣尉時中書舍人裴坦當制怛怛含毫久之時有老吏在側因訊之升黜對曰舍人合為責詞何者入策進士與望州長馬齊資坦釋然故有澤畔長沙之比庭筠之任文士爭為詞送唯計唐夫得其尤曰何事明時泣玉頻長安不見杏園春鳳凰詔下雖雷命鸚鵡才高却累身且飲醪醑消積恨莫辭黃綬拂行塵方城若比長沙遠遊隔千山與萬津

出據言

西川人

蜀東西川之人常互相輕薄西川人言梓州者乃我東門之草市也豈得與我為耦哉節度柳仲郢聞之謂幕客曰吾立朝三十年清華備歷今日始得與西川作市令聞者皆笑之故世言東西兩川人多輕薄

出北夢瑣言

河中幕客

相國劉瞻父景連州人少為漢南鄭司徒掌牋奏因題

商山驛側泉石鄭大奇之勉以進修俾前驛換麻衣執贄見之後致解薦擢進士第歷臺省瞻相孤貧有藝雖登第不預急流任大理評事日饘粥不給嘗於安國寺相識僧處求餐留所業文數軸置在僧几致仕軍容劉玄翼遊寺見瞻文卷甚奇之憐其貧窶厚有濟卹又知其連州人朝無彊援謂僧曰某雖閒棄必能為此人致宰相爾後授河中少尹幕寮有貴族浮薄者蔑視之一旦

欽定四庫全書

太平廣記卷二百六十五

九

有命徵入府尹祖之前之輕薄幕客呼瞻為尹公曰歸朝作何官職瞻對曰得路即作宰相同舍郎大笑之在席亦有異其言者瞻自是以水部員外知制誥旋入翰林以至大拜也

出北夢瑣言

陳磻叟

陳磻叟父岵富有詞學尤溺於內典長慶中常注維摩經進上有中旨令與好官執政謂岵因內道場僧進京頗抑挫之止授少列而已磻叟形質短小長喙疎齒尤